

ՆՈՐԱՀԱՅՏ ՎԻՍԱԳՐԵՐ

Ս.Տ.ՍԱՂՈՒՄՅԱՆ

Վիմական արձանագրությունները չափազանց կարևոր ստույգ և անզուգահեռ տեղեկություններ են պարունակում Հայոց պատմության ամենաբազմազան հարցերի վերաբերյալ: Մասնավորաբար, դրանցում արտահայտված է երկրի քաղաքական, տնտեսական, սոցիալական կացության իրապատկերը, վարչակառավարչական ապարատի կառուցվածքը, հարկապարտության և ջրօգտագործման դրվածքը, սեփականաշնորհման միտումները, իրավական նորմերի, ժողովրդական կենսափոխակերպության, ժամանակի լեզվամտածողության, խոսվածքի, բարբառների, փոխառությունների, տեղաշարժերի, զբաղմունքի ու անեծքի հնչերանգները, հանգամանքներ, որոնք հազիվ թե կարելի է նույն որոշակիությամբ ու հստակ սահմանումներով դիտարկել մշակութային ժառանգության մի այլ ասպարեզում: Առ այսօր պատմական Հայաստանից ու գաղթօջախներից հավաքված են ավելի քան տասը հազար վիմագիր, իսկ ևս ավելի քան 20 հազարի վերծանումն ու հրատարակումը մնում է հրատապ խնդիր: Եվ եթե, կարծրացած սովորությամբ, շարունակվի միջոցների խնայողության դիմել հենց այս բնագավառում, ապա հայագիտության կրելիք փնտնանդանայի կլինի: Ստորև ներկայացնում ենք Սյունիքի մարզից մեր ժողոված անտիպ վիմագիր պատառիկներից 55-ը ամենևին սպառված չհամարելով Սյունիքի վիմագրերի հրատարակման թերավարտ գործը:

ՏԱԹԵՎ

Սյունիքի միջնադարյան հոգևոր-մշակութային կենտրոնի ցայտնի 92 վիմագրերն արժանահավատ տեղեկություններ են հաղորդում վանքի ու հարակից շինությունների կառուցման, նորոգումների, նվիրատվությունների, կալվածքների, վանահայրերի ու մտավորականների մասին: Դրանց հավաքման, վերծանման ու հրատարակման խնդրին առավել հանգամանորեն ու դիտական պատշաճ մակարդակով մոտեցել է Հմուտ վիմագրագետ Ս.Բաղդուկարյանը: Նա ի մի է բերել նաև այլուստ հրատարակվածները, որոնց մի մասը, ինչպես նկատել է նա, «այժմ տեղում չկան (փլատակների տակ են մնացել, կամ, շարժական իրերի վրա գտնվելով տարվել են)»: 1931թ. երկրաշարժից 40 տարի անց, պատմաբան Ա.Քալանթարյանը վանքի փլատակները մաքրելիս վերստին լույս աշխարհ

¹ Դիվան Հայ վիմագրության, կազմեց Ս.Գ.Բաղդուկարյան, պրակ II, Ե., 1960, էջ 11 - 39:

² Նույն տեղում, էջ 35: Մնացյալ կորածները, եթե ոչ լրիվ, կգտնվեն շահագրգիռ որոնումների ղեկավարում:

Հանեց Ստ.Օրբելյանի պատվերով ձուլված Մեծ զանգերը : Արձանագրված մի քանի բեկորներ ու խաչքարեր էլ տարվել են Գորիսի թանգարան :

Հուշարձանների վերաշինության ընթացքում ի հայտ են եկել ինչպես կորած համարվող, այնպես էլ աչքից սպրդած մի շարք վիմագրեր, որոնց հրատարակումը ևս մի քայլ է Տաթևի փառաբանված կենտրոնի պատմական ուղու ուսումնասիրության բնագավառում :

Նորահայտ վիմագրերից մի քանիսը նախնական տեղում են, իսկ մի քանիսը տեղահանված են : Դատելով քարերի չափերից, ատաղձից, տաշվածքից, հարդարանքի ոճից՝ կռահելի է, որ դրանց մի մասը Պողոս-Պետրոս եկեղեցու և կից սրահի ժամանակակիցն են (X-XI դդ.), իսկ մնացյալները՝ Գր.Լուսավորիչ առաջնակառույց եկեղեցու : 1138թ. երկրաշարժի ուժգին հարվածից «Տաթևի մեծ եկեղեցու գմբեթն իր բոլորածև շրջանակով թռավ ու ընկավ սուրբ Գրիգոր եկեղեցու և բակում դտնվող գավթի վրա ու ամբողջը փլցրեց» : 1295թ. Ատեփանոս Սրբեյանն ի հիմանց չինում է թեքակտուր Լուսավորիչ աղոթարանը, որի ընթացքում (և ավելի ուշ) Հնի արձանագիր բեկորներն ու խաչքարերը դրվել են պատահական տեղերում, անգամ մխրճվել լիցքի մեջ : Դրանք ևս ի հայտ են եկել նորերս :

Երկրորդական, ոչ էական, մանրմունք թվացող, ցայժմ աննկատ մնացած կարճատև հիշատակագրություններից մի քանիսն էլ բացահայտում են ազգային փառքը կռող քարգործ և շինարար վարպետներ (որպիսիք Տաթևում գրեթե չեն գիտվել), որով ավելի է բարձրանում այդ վիմագրերի գիտական ու փաստագրական արժեքը : Անհմաստ համարելով ցաքուցիր վիմագիր պատառիկների դասակարգման փորձը, դրանք ներկայացվում են ըստ գտնվող տեղերի՝ դյուրացնելու որոնողի գործը :

Վանքի պարսպակից շենքերից մեկի բակ նայող որմնաձի մեջ խցկած խաչքարի ստորին մասում հստակ գրված է. «ՅՈՎՀԱՆՆԷՍԻ ԶԵՂԻԱՍԻ» : Վարպետի անվան սկզբնատառերը (այլ բառերի շարքում) եղել են կոթողի վերին շրջանակին, որը կտրվել է շարքի բարձրության համեմատ : Տառերը հին են, գեղագիր : Այս խաչքարի առավել չքեղ ու կատարյալ երկվորյակը (ակաթիթներ, եռաբողբոջ թևեր, խորանի ներքում խաղողաորթով) ի սկզբանե ագուցված է Պողոս-Պետրոս տաճարի (895 - 906թթ.) արևմտյան ճակատին՝ ի հիշատակ եկեղեցին կառուցող Հովհաննես եպիսկոպոսի : Իրապես այս խաչքարերը համաժամանակյա են և հորինված են մինչև 906թ., ձեռամբ Հովհաննեսի : Հովհաննես թեմակալն ու Հովհաննես արվեստագետը դավանանքի խորհրդանիշ խաչը համադրել են խաղողաորթ դրախտածառին, այն «ծածանել» տաճարի մուտքի գլխին, աղոթարանը նույնականացրել դրախտին, ինչը բացառիկ չքեղությունը ու յուրովի հորինվածքով դրսևորվել է Ծախաց քարում (1041թ.) և Գեղարդավանքում (1215թ.) : Սա հույժ կարևոր և ուշադրության չարժանացած մի խնդիր է, որին կանգնողառնանք ուրիշ առիթով :

Առաքյալների եկեղեցուն հարավ-արևմուտքից կցված ավերված սրահի երրորդ կամարաուղի պարզ խաչաքանդակի աջ թևում գեղատառ գրված է. ԶԳՐԻԳՈՐ ԿԱՆԿՆՈՂ ԽԱՂԵՍ ՅԻՇԵՅԷԷ : Գրիգորը սրահը

Ս. Ա. Քալանթարյան, Տաթևի վանքի զանգերը և նրանց արձանագրությունները (Հայագիտական հետազոտություններ, պրակ Ա, Ե., 1974, էջ 115 - 118) :

Ստեփանոս Օրբելյան, Սյունիքի պատմություն, Ե., 1986, էջ 283 :

կառուցող-հարդարող վարպետներից է (ամենևին ոչ նվիրատու), որի անունը դրոշմված է իշմարելի տեղում:

Սրահի փլատակներից հանված, այժմ ընկած երեսակալի վրա, անունը միատառ փակագրով գրված է. ՎԱՐԴ ԲԱՐԳՈՐԾ, ՅԱՂԱԻԹՍ ՅԻՇԵՑԷՔ: Կոչման քարգործ վերականգնումը երկմոռթյուն չափոի հարուցի, քանի որ սպասավոր (քահանա) լինելու դեպքում անունը կփոխվեր (Վարդան): Վարդ անվամբ քարգործներ կան և այլուր (Գառնի, Սաղմոսավանք, Լոր): Ոչ ցայտուն տեղում հաճախ էր փակագրվում ճարտարապետի անունը: Հետևյալների է, որ Վարդը Գրիգորի հետ Սրահը կառուցող վարպետներից է (XII դ.):

Սրահում գտնված երկու գծախաչերով երեսապատ քարերի վրա կարդում ենք. ա) ...ԻՄ...ԲԱՐԵՆ՝ԱԻՍ ՈՒԿԱՆԱ (Ուքան). գրերը ջնջված են: բ) ՁՄԽԻԹԱՐԾ՝ԻՇԵՑԷՔ Ի՝ ԲՐԻՍՏՈ՝Ս: Երկու դեպքում էլ խոսքը վերաբերում է մանր ընծայատուներին և նրանց կողմից արված ինչ-որ ծառայության հատուցմանը:

Պատի երեսակալի՝ վերից ողկույզներով ու ոստերով, ներքևից չղջիկաթև-գորտաթաթ ու ականթե զարդերով խաչերի տակ. ՈԿԵ(1216). ՅԻՇԵԱՅ Ի ԲՐԻՍՏՈ՝Ս՝ Ա՝ՍՏՈՒԱ՝Ծ ՋԳԵՐԳ ԵԻ ՋԱՍՈՒՄՆԻ ԻԻՐ ԵԻ՝ ՈՂՈՐՄԵԱՅ: Յ՝Ա՝ԻԱՋ ԿԱՋՄՈՂՍ ՅԻՇԵՑԷՔ: Յաւազը (Այվազ) տաճարը կամ սրահը նորոգող (և խաչերը փորագրող) վարպետներից է, անշուշտ:

Սրահի արևելյան որմնամուկթին դիմհարած, քայքայված-հողմնահարված խաչքարի քիվին. ԻՇԽԱՆԻՆ ԱՍՊԱՏԱ ԼՈՅՍ ԵԻ ԿԵԱՆՔ: Թիկունքի արձանագրությունը չեմ կարդացել: Կարծում եմ, այս ցերմ, սրտաբուխ մաղթանքն ուղղված է Աշոտի որդի Սմբատ թագավորին, որի օգնությամբ վանահայր Հովհաննեսը 1048թ. կառուցել է սրահը:

Վեհարանի Հյուսիսային պատին ագուցված IX - X դդ. խաչքարի թևերի մեջ՝ ՅԻՇԵԱ՝ԱԲՐՀԱՄԱ՝ ՋՍՈՒՐԲ՝ ԳԵՈՐԳ՝:

Արևելյան եզրի կոպտակոփ շարվածքով սենյակներից մեկի մուտքին ճակատակալ դրած, մարդու հարթաքանդակով տապանաքարին, խոշորատառ. ՎՅՍ Է՝ ՀԱ՝ՆԳԻՍՏ ՄԱԹԻՈՍԻ:

Պարսպակից արևելյան շենքի Հյուսիսային պատի երեսակալի խաչը ներփակող խորանի երկու կողմում, պարզ ու գեղեցիկ տառերով. ԿԱՆԳՆԵՑԱԻ ԽԱՋՍ Ի ՓՐԿՈՒԹԻԴՆ՝ ՀՈԳՈ ԿԱՐԱՊԵՏ Բ՝Ա՝Հ՝ԱՆԱ՝Ի. ՈՐՔ ԵՐԿՐՊԱԳԷՔ ՅԻՇԵՑԷՔ՝ Ի ԲՐԻՍՏՈ՝Ս: Ի ԹՎ. ՊԽԵ: (1396): Նույն տեղում, գծախաչի կողքերին, մանրատառ. Մ՝Ա՝ՐԻԱ՝Մ, ԴՇԽԱ՝, Տ՝Է՝Ր Յ՝Ո՝ՎԱՆՍ ՅԻՇԵՑԷՔ:

Շրջապարսպի արևելյան հատվածի որմածքի մեջ հագցված բեկորների վրա. ա) խաչերի թևատակին. ԹՎ...ՍՈՒՐԲՆ Յ՝ԱՎՈՐ:՝ ՍՈՒՐԲՆ ՈՎԱՆՆԷՍ (XIII դ.), բ) Շրջված քարին, մանրատառ. Ես՝ Փիրիճան... Իշեցէք Ի ԲՐԻՍՏՈ՝Ս:

Նախորդներից քիչ աջ, թերևս XIV դ. խաչքարի պատվանդանի վրա. ԿԱՄԱԻՆ Ա՝ՍՏՈՒԾՈ՝Յ ԵՍ՝ ՈՀԱՆԷՍ ԱԲԵՂԱ՝, ԿԱՆԿՆԵՑԻ ՋԽԱՋՍ ՎԱՐՊԵՏ՝ԻՆ ԻՄՈ ՈՎԱՆՆԷՍ Բ՝Ա՝Հ՝ԱՆԱ՝Ի, ՀԱ՝ԻՐՆ ԻՄՈ Է՝՝ ՄԷԼԻՔԱ՝, ՄԱԻՐՆ ԻՄՈ ՋՈՒԼԱԼԱ ԵԻ ԵՂԲԱԻՐՆ՝ ԻՄՈ ԿԱՐԱՊԵՏԻՆ ԵԻ ՅԻՇԱՍԱԿ ՀՈԳՈ ԻՄՈ: Հովհաննես (Ովանէս) աբեղայի ծնողների անունները մասամբ եղծված են, վերծանումը թեական է:

Կրկնահարկ սեղանատան ներսում, պատից դուրս ցցված քիվագոտու վրա, մեկ տողով, որն սկսվում է արևելյան պատի հյուսիսային ծայրից և ավարտվում արևմտյանի աջ եզրում. Ի ԹՎԻՆ ՀԱՅՈՑ: ՌՃԻԸ: (1679) ԱՄԻՆ. ԵՍ՝ ԶԱՔԱՐԻԱՅ ՎԱՐԴԱՊԵՏՍ, ՇԻՆԵՑԻ ԶԱՅՍ ԱՅՎԱՆՍ ԵՒ ԶԽՈՒՑՍ Ի ՀԱԼԱԼ ԱՐԴԵԱՆՑ ԻՄՊՑ Ի ՎԱՅԵԼՈՒՄՆ ԱՆՁԻՆ ԻՄՊՑ ԵՒ Ց՝ԱԻԱՏԱՑԵԼ՝ՈՑՆ ԱՄԻՆ՝ԱՅՆ՝ ԴԱՍ ՔԱՀԱՆԱՅԻՑ ԵՒ ՊԱՇՏՆՆԵԻՑ, ՈՐ ՅԵ՛Տ՝ ՄԵՐ ՆՍՏԻՔ ԱՍՏ ԵՒ ՎԱՅԵԼԻՔ. ՅԻՇԵՆՑ Է՛Ք Ի ՔՐԻՍՏՈՍ ՉՏԱՌԱՊԵԱԼ ԵՒ ԶԱՆԱՐԺԱՆ ՉՏԷՐ ԶԱՔԱՐԻԱՅ Ի ՄԱՔՐԱՓԱՅԼ ՅԱՂՕԹՍ ՉԵՐ: Գուցե թե տարօրինակ է, բայց փաստ է, որ ընդարձակ ու դյուրընթեռնելի այս կարևոր վավերագիրը վրիպել է տեղագրողների աչքից և աննկատ են մնացել մորմոքուն՝ գտառապետ և զանաբան հովվապետ Զաքարիայի թափած ջանքերը, որը 1679թ.⁵ մեծ շարժի տարում, չինել է Տաթևի վանքի սեղանատունը (այլման) և նկուղ-թաքստոցը (խուց), որոնք գործարկվել են 250 տարի շարունակ՝ առանց որևէ փոփոխության:

Կցակառույցներից մեկի միջանցքում նկատվում է. ԹՎԻՆ՝ ՌԲՃ [1000 + (2 X 100) + 551 - 1751], որը վերագրում եմ նորոգմանը:

Գր.Լուսավորիչ եկեղեցու վերաշինության ժամանակ (1980-ական թթ.) չոր լիցքի թանձրույթից հանվել են 6 խաչքար ու այլևայլ բեկորներ: Խաչքարերից մեկի քիվին ծալապատիկ նստած, քսակն աջում, իսկ ցածում ախոյանին նիզակով շամփրած հեծյալի հարթաքանդակները կատարված են բարձր վարպետությամբ: Մյուսի ողջ մակերեսն ու հարավային կողքը պատված է արձանագրությամբ. ԵՍ՝ ԴԱԻԻԹ ՔԱՀԱՆԱ՝ԿԱՆԳՆԵՆՑԻ ԶԽԱԶՍ՝ ՀՐԱՄԱՆԱԻ ՍԻԻՆԵԱՅ ԵՊԻՍԿՈՊՈՍԻ Տ՝ԵԱՌ՝Ն ՅԱԿՈԲԱՅ ԵՒ ԶԱԻՐ՝ ՎԱՐԴԱՆԱ՝ՏԱՆՍ ԱՌԱՋՆՈՐԴԻ ԵՒ ԵՐԱՆԵԼԻՉԻ: ՅԻՇԵՆՑ Է՛Ք Ի՝ՔՐԻՍՏՈՍ՝ ԴԱԻԻԹ ՔԱՀԱՆԱ, ՍՊԱՍԱԻՈՐՍ՝ ՍՈՒՐԲ ՌԻՆՏԻՄ: Դավթի խաչքարը թեև թվագրված չէ, սակայն ոճական հատկանիշներով (ականթներ, խնձորաթևեր) բնորոշ է X դարին: Հիշատակված եպիսկոպոս Հակոբը (918 - 958թթ.) Հովհաննես Դրասխանակերտցու եղբորորդին է, համբավ վաստակած եկեղեցական գործիչ, որը մեծ եռանդ գործադրեց Սյունյաց թեմի և Տաթևի առաջնորդարանի բարգավաճման համար: Նա էր, որ «Ֆրանկ ժողովրդի հեռավոր աշխարհից բերել տվեց նկարիչներ և զոռախներ, այսինքն՝ պատկերագործներ, և աստվածաբնակ տաճարի լուսաճեմ հարկերը ամբողջովին, վերևից մինչև ներքև, անսահման ծախսերով նկարազարդել տվեց»: Թեմակալ Հակոբ եպիսկոպոսը 932թ. «իշխան Փիլիպից գնում է Չագեձորի Վարարակն կոչված ջուրը տասներկու հազար դրամով և մեկ փայլուն ջավահիրով, որի արժեքն ու որպիսությունը չափերը չգիտեին: Շատ չարչարանքով ու մեծամեծ ծախսերով ջուրը բերել էր Չագեձորի լեռներից ու հասցրել մինչև Ցաքուտ, որը գտնվում է գետի այն կողմում, վանքի դիմաց: Այնուհետև քարքարոտ ու փշալից այդ ամբողջ վայրը դարձրեց վարդաստան ու ծառաստան: Տնկեց բազմաթիվ այգիներ, ազնիվ տեսակի խաղողի որթեր, զանազան պտղաբեր ծառեր՝ ձիթենիներ, նռնենիներ, բոլոր մրգատու ծառերով զարմանալի դրախտ դարձրեց, խիստ ընդարձակ ամբողջ վայրը զարդարեց թանձրախիտ ծառերով ու գեղեցկաճյուղ որթատունկերով՝ միաբանության վայելքի և բոլոր կարոտյալների ու

⁵ Դրանք խնամքով հանել է վերականգնող ճարտարապետ Ալիկ Անանյանը:

⁶ Ստեփանոս Օրբելյան, էջ 228:

աղքատների կարիքների համար»⁷: Այստեղ նա շինում է նաև «գմբեթահարկ մի խորան՝ շատ հրաշալի կառուցվածքով», - տարեգրում է Սյունյաց պատմիչը՝ այս անցքերից 865 տարի հետո:

Բեղմնավոր և եռանդոտ Հակոբ եպիսկոպոսի մասին սա միակ վիճագիր հիշատակագրությունն է և այս առումով էլ արժանի է հատուկ հոգածություն:

Նույն տեղից հանված, զույգ խաչերով երեսակալ քարի վրա, երրորդ տողը և աջ եզրի գլխիվայր տառաշարքը՝ ծեծած-ջարդած. ԻՇԵԱՅ ՔՄԻՍՏՈՍ ԱՍՏՈՒԱԾ ԶՎԱԼԴԱՊԵՏԻՍ Զ[...|...|...| (XIII դ.):

Պարսպից դուրս, գլուղ տանող ճանապարհի եզրի կոթողի գերեզմանոցի նորաբաց հարթ սալատապանների վրա. ա) խոշորագիր, գեղատառ. ԱՅՍ է ՀԱՆԳԻՍՍ ԱՌԱՔԵԱԼ ՔԱՀԱՆԱԷԻ: բ) Մարդու գծապատկերով. ՀԱՆԳԻՍՍ ՍԱԽԼԹԱՆԻՆ:

Դեռևս 1882թ. Ա. Երիցյանի հրատարակած նյութերում հանդիպում է Գր. Լուսավորիչ եկեղեցուց հարավ մատնացուցված «Сия гробница Тер Ованеса (по преданию астронома) год 950 (1501)». «Այս է տապան Տեր-Յովհանէսի. Թվին: ԶԾ:» տապանագիրը, որը գրանցվել է տեղում չեղածների թվում: Սրանը մաքրելիս Գրիգոր Տաթևացու Դամբարանի հարևանությամբ բացվել է հովապետական դավազանով սալ՝ երկտող տապանագրով. ԱՅՍ է ՀԱՆԳԻՍՍ ՏՐԴՐ ՈՎԱՆԻՍԻ, ԱՆԱԽԹ ՓԱՍՐԱՅ ՓԱԿԱԿԱԼԻ: ԹՎ. ԶԾ (1501): Թերևս նույն արձանագրությունն է, բայց տարակուսելի է մնում. տեղ հովհաննեսին, ուսեբեն տեքստում, աստղագետ՝ «по преданию астроном» վերագրումը և չեմ կարծում, թե երկմտելի «անախտ փարսաց» կապակցությունն այդ իմաստն է պարունակում: Գուցե թե անախթ-ը չիդրվել է պահպաններն ախտար (աստղագուշակ) բառի հետ, բայց ան ժխտական մասնիկը հակառակն է հուշում, և, կարծում եմ, այստեղ անհաղթ բառն է: Կամ անախտ (անբիծ, սուրբ):

Սրահի արևմտյան մույթի կամարաոտք-խաչքարի համառոտ հիշատակագիրը հայտնի է ՅԻՇԵԱ Ք Ս ԶՀՈԱՆՈ[Հ]ԵԻ ՈՂՈՐՄԵԱ տեքստով: Տարամտությունը փարատելու նպատակով հրատարակիչը ծանոթագրել է. «Հնարավոր է կարդալ նաև՝ ...ԶՀՈՄՆ:ՈՀ:ԵԻ ՈՂՈՐՄԵԱ»⁹: Խաչի տակ և աջ կողմի գրերը վերագրելուց հետո առաջարկում եմ ԻՇԵԱՅ ՔՐԻՍՏՈՍ ԶՀՐԱՆՈՇ ԵԻ ՈՂՈՐՄԵԱ ընթերցումը՝ հարազատ մնալով քարի վրայի անեղծ, դյուրավ ընթերցելի տառաշարքին: ՈՀ (1221) թիվն արհեստական և անստույգ է, իսկ արձանագրությունը սրահի տարեկիցն է (1048թ.):

XVII դարի նշանավոր հոգևոր գործիչներից Սյունյաց թեմի առաջնորդ Ներսես Բաբունյացուն թաղվել է Պողոս-Պետրոս եկեղեցու բակում: Տապանագիրը մեզ է հասել Ս. Զալալյանցի ընթերցմամբ, որից քաղել են ՂԱԼԻՀԱՆՐ, Ե. Լալայանը, և նույնությամբ ներմուծվել է «Իվանի» մեջ¹⁰: Կորած համարվող չիրմաքարը վերջերս հանվել է 1896թ. տաճարին

⁷ Նույն տեղում, էջ 226:

⁸ Նույն տեղում:

⁹ Իվան Հայ վիճագրության, պրակ II, էջ 39, № 90:

¹⁰ Նույն տեղում, էջ 86, № 75:

կցարկված եռահարկ զանգակատան հարսի-արևմտյան մույթի հիմքից: Դա եռաստիճան «խարխիսներով» բաց վարդագույն խոշոր քար է՝ հովվապետի զավազանով ու քառատող արձանագրությամբ: Քաշքշելու հետևանքով որոշ տառեր ջարդվել են, որոնց վերականգնումը, սակայն, բարդություններ չի հարուցում: Տալիս և՛ արձանագրությունը ներկա վիճակով՝ շտկելով ոչ էական վրիպումներն ու լրացնելով բացթողումները:

1. Ի ԶԱՅՍ ՏԱՊԱՆ ՔՆԱՐԱՆԻ, Կ՝ԱՅ ՀԱՆԳՈՒՑԵԱԼ ՆՇԽԱՐ ՄԵԾԻ՝

2. ՆԵՐՍԷՍԻ, ՐԱԲՈՒՆԵԱՅ ՊԵՏԻ ԵՒ ԵՊԻ՝ ՍԴՈՊՈՍԻ ՍԻՒՆԵԱ՝ Յ ՆԱՀԱՆԳԻ,

3. ԳՈՒՈՎ ՏԵՂԵԱԻ ՏԱԹԵԻԱՑԻ ԵՒ ԵԿԵՂԵՑՈՅՆ ՇԻՆՕՂԻ՝¹¹.

4. ԵՂԵԻ ՓՈԽԵԱԼ Ի ԿԵՆԱՑՍ ԱՍՏԻ: ՌՃ; ԵՒ Դ՝ԹՈՒԻ: (1655):

ՅԻՇԼԵՑԷ՝ Ք Ի ՔՐԻՍՏՈՍ: Ջալալանցը տապանագիրը տողատել-վերածել է ութատող բանաստեղծության, իսկ տարեթիվը կարդացել է «Ռճերարդ Թուի» (1651), որը, բնականաբար, ընդունվել ու ճանաչում է ստացել:

Գր.Լուսավորիչ եկեղեցու առջևի փլվածքները մաքրելիս բացվել է նաև Մկրտիչ Լեհացու «կորած» տապանաքարը:

Երկրաչարժի պատճառած հարվածներից թեև տապանագրերը վնասվել են, սակայն այն հավաստիաբար կարդացվում է.

1. ԱՅՍ Է ՀԱՆԳԻՍՏ ՏՐԷ՝ Ր ՄԱԿ

2. ՐՏՋԻ, ՈՐ Ի ԼԷՀԱՅ ԵԿԵԱԼ ԼԻՆԻ,

3. ԱՍՏ ՍՐՈՒՐ Բ ԿՈՋՆԻԻՔ ԱՌ ՏՐԷ՝ Ր Փ-

4. ՈՒԻ: ՌՃ ԻՆՆԵԱԿ ԹՈՒԻ (1660):

Ս.Ջալալանցը վերադասավորել է իրական տողաչարքերը, երրորդ տողի կոչնիքը (հրավեր, աստծո կանչ) կարդացել է կրօնաւորք, որը տվյալ իրադրության մեջ, հազիվ թե ընդունելի է:

Անդրադառնանք նաև Լուսավորիչ աղոթարանի արևմտյան պատի հինգ եզրաքարերի երկու նվիրագրերին, որոնք պատմագրության ասպարեզ են ներմուծվել անիմաստ, կիսատ-պոատ տեքստերով: Շատ հազվադեպ այս պարտավորագրերի առաջին «սուրահի» ավելի քան 30 բառերից 10-ը կարդացել է Ա.Երիցյանը, որոնցից երեքը՝ ճիշտ¹²: Օրգանական շարունակությունը կազմող երկրորդ «սուրահը» ջանացել է իմաստավորել Ս.Բարխուդարյանը, բայց անհաջող¹³: Հիմա, երբ լուրջ վնասվածքներ ստացած պակասող քարերը գտնվել և տեղակայվել են նախնական տեղերում, անհամեմատ դյուրին է լրացնել-ամբողջացնել շարադրանքը և հասու լինել իմաստին:

Առաջին սուրահ. 7 տողերից 6-ի սկզբնամասը հոդմահարված ու ջարդված.

1. Ի ԿԱՄՍ Ա՝ՍՏՈՒԾՈ՝ Յ ՄԵՔ՝ ՄԻՍԱՔ ՈՒ ՍԱՐԳ

2. ԴՄ՝ ՈՒ ԱՍԽԱԹԱՆ՝, ՈՐԴԻՔ ՇԱՀԱՆ

3. Ա, ՈՐԴՈՅ ՍԻՍԱՔ՝Ա՝ Վ՝ԱՄՆ ՄԵՐ ԳԵՐԵՋՄԱ

¹¹ Նկատի ունի պուղամիջյան սբ. Մինաս թեքակտուր եկեղեցին՝ կառուցված 1646թ.

¹² Դիվան..., պրակ 11, էջ 88, № 87:

¹³ Նույն տեղում, էջ 39, № 89:

¹⁴ Նույն տեղում, էջ 26, № 44, 45:

4. ԴՆԱՑՍ: Բ: (Ձ) ՏՈՒՆ ՏՄՎ՝ԱՔ Ս՝ՈՒՐԻ ԱՌԱՔԵԼՈՑՍ:

5. ...ՀԱՐԻՆ ՈՐԴԻՔՆ՝ ԽԱԶՈՒԼՆ ԵՒ ՁՀ

6. ...ՋԱԼՄԱՅ

7. ...ՃԱՆ ԹԻՇԵՑԻՔ:

Վերջին երեք, համաձուլյ երկու նվիրագրերը միջարկող տողերը պայմանականորեն կարելի է լրացնել. «ԹԱ՝ ՀԱՐԻՆ ՈՐԴԻՔՆ ԽԱԶՈՒԼՆ ԵՒ ՁՀ|ՐԱՍԱՆ ԵՒ՝ ՋԱԼՄԱՅ|՝ ԵՒ ԹԱԿՈՊ ՃԱՆ ԹԻՇԵՑԻՔ, չնայած սրանով էլ չի պարզվում նրանց առնչումը գործարքին: Առաջին տողի Սիսաք անվան վերականգնումը հիմնավորվում է թոռանվամբ, իսկ Ասիաթանը թերևս Կյուրիկյանների տոհմում տարածված Աղսարթան անձնանվան տեղայնացված հնչյունգն է: Կարևորը, անկասկած, այն է, որ պարզընկալ է այս սակավադեպ գործարքի իմաստը, այն է՝ Սիսաքի որդի Շահանի երեք դավակները՝ Սիսաք երկրորդը, Սարգիսն ու Ասիաթանը, Տաթևի վանքի սուրբ Առաքելոց (Պողոս-Պետրոս) եկեղեցուն ընծայել են: Բ: (երկու) տուն և գերեզմանատեղ ստացել Գր.Լուսավորիչ աղոթարանի պատի տակ: Հետևյալի է, որ Հնում ևս ցանկացած արգելված տեղում թաղման թույլտվություն կարելի էր կորզել՝ մուծելով պահանջվելիք գումարը: Նախանձ գրգռող նման պատիվը քչերին էր վիճակվում: Հենց Տաթևում պարսպից դուրս են թաղվել անվանի Հոգևոր գործիչներ: Եվ, ոչ պատահաբար, Հնարավոր վճռախախտումը կանխարգելելու միտումով, պայմանագրությունը փաստագրվել է կարծր, չընջվող դավթարի վրա, ակնառու տեղում: Իսկ ինչպես մեկնել նվիրաբերված Բ տուն արտահայտությունը՝ երկմտելի է, քանզի այն Հնարավոր է ըմբռնել ինչպես երկու սենյակ, բնակարան, արհեստանոց, կուղպակ, այնպես էլ ծուխ, գերդաստան, ընտանիք իմաստով:

Դառնանք քննարկված նվիրագրի չարակցություն երկրորդ սուրահին՝ գրված երեք քարերի վրա, 7 տողով, նախորդի հետ միաժամանակ.

1. ԱՅԼ ԵՒ ԵՍ՝ ԿԱՍՏԻԳԵԼՍ, ՈՐԴԻ ԱՐԵ՛Ի ԲԱՐԱ, ՆԱԽԱՆՁ-

2. ԱՌՐ Ս՝ՈՒՐԻ ՈՒԽՏԻՍ ՄԻԱԲԱՆ ԳՈԼ, ԵՏՈՒ ՁՀԱՍԱՆԱ

3. ՈՐԴԻՔՆ ԵՐԵՔԵԱՆ Ս՝ՈՒՐԻ ԱՌԱՔԵԼՈՑՍ ԾԱԽԱ ԹԱԻ

4. ԻՏԵԱՆ, ԱԶԳԱՅ ԹԱԶԳ ԵՒ ՉՈՒՆԻ ՈՔ ՀՐԱՄԱՆ ԴԱԻԵԼ ԵՒ

5. ԹԷ ՈՔ ԹԱՆԴԳՆԵ՝ ՄԵՐ ՄԵՂԱՑՆ ՊԱՐՏԱԿԱՆ ԼԻՑԻ ԵՒ

6. ՅԱ՛ՍՏՈՒԾՄ Թ, ԵՒ ԹՈՒՐՈ ՍՐԲՈՑ ԱՆՄԱՄՆ ԵՒ ԲԱԺԻՆ ՋՅՈՒԴԱԻՆ Ա-

7. ՌՑԷ՛Ի ԹՎ: ՉԿԵ (1316):

Այս դեպքում արդեն, Շահանի որդիների ձեռներեցությամբ նախանձախնդիր Արեքարի որդին Հպարտանում է, թե «ես՝ Կամրիգելս... ետու ՁՀասանա որդիքն երեքեան սուրբ Առաքելոցս ծառա յաւիտեան, ազգսց յազգ եւ չունի ոք հրաման դաւել» և ապա վճռախախտողներին սպառնում է խստագույն պատիժներով: Նկատենք, որ տների, խանութների, ձիթհանի, ջրի, ջրանցքի, մարդկանց, գյուղերի նվիրատվությունների մասին վիմագրերում բազում հաղորդումներ կան, սակայն տվյալ դիպվածն ավելի քան սակավադեպ է. Կամրիգելը⁵ Հասանի երեք տղաներին թերևս գնել կամ իր իսկ գյուղացիներին, հարկատուներին տվել է «ծառա յաւիտեան,

⁵ Գամրիկ, Գամրիկե անունը տարածված էր Եղվարդի Ազիզբեկյանների իշխանական տանը:

ազգաց յազգ» Տաթևի վանքին, որը մշտապես կարիք ուներ ծառայողների, մշակների, խաշնարածների:

Աներկբա է, որ այս Հազվադեպ արտոնագրերը բացառիկ արժեք ունեն իրավական ու սոցիալական խճճված և մութ Հարաբերությունների լուսարանման խնդրում:

Այսքանով չի վերջանում Տաթևի վիմագրերի մասին ասելիքը. դեռևս 3 - 4 տասնյակ անտիպ վավերագրեր կան վանքի Հոդմահար ու գոսացած պատերին, որոնց Հրապարակումը նպաստ կբերի այս բեղմնավոր կենտրոնի և Համազգային պատմությանը:

ՀԻՆ ԽՆՁՈՐԵՍԿ

Գյուղում Հին արձանագրությամբ հուշարձաններ չկան, իսկ կարևորություն ունեցող վիմագրերից 12-ը հրատարակել է Ս.Բարխուդարյանը¹⁶: Դրանց առանձնապես նոր բան չավելացնելով հանդերձ, հարմար գտա հրատարակել մի քանի տապանագրեր ձորամիջի Անապատի բակից (ուր թաղված են Մխիթար Սպարապետն ու մեծ իշխան Բարխուդարը) և Կաթնաղբյուրի կառուցման վկայագիրը:

Տապանագրեր.

ա) ԱՅՍ է ՏԱՊԱՆ ՍԱՐՔԻՍԻՈՐԴԻ ՂԱԶԱՐԻՆ. Թ.Ո-ՂԹ (1650):

Գուցե թե հարյուրավորը բաց է թողնված:

բ) ԱՅՍ է ՏԱՊԱՆ ՄԵԼՔՈՆԻ ՈՐԴԻՏԷՂ ԲԱՍՊԱՐԻՆ. ԹՎ. ՌՄԼԱ-ԻՆ է (1782):

գ) ԱՅՍ է ՏԱՊԱՆ ՏԷՐ ՊԱՂԴԱՍԱՐԻ ՈՐԴԻ ՈՒՍԴԱՅ ՈՒՀԱՆԻՆ. ԹՎԻՆ ՌՄՂԴ-ԻՆ (1845):

դ) Ծեղքված բազալտով կամարակիր Կաթնաղբյուրի հարավային կողապատի սրբատաշ քարի վրա.

1819|ՅԻՇԱՏԱԿ է| ԱԽԲԻԻՐՍ| ՄԱԼՈՒՆՑ ՏԷՐ| ՊԱՂՏԱՍԱՐԻ ՈՐԴԻ| ՀՈԲՈՂԱՅ| ՀՕԱՆԻՆ:

ԱՐԾՎԱՆԻԿ (Կապանի շրջան)

Գյուղի արևելակողմի լեռնաշղթայի եզրում բնության անկանգ հրոսումներին հրաչքով դիմակայում են ճեղքած քարով շարած հնամենի երիցավանքի (VI դ.) ավերակները: Հյուսիսակողմի ընդարձակ գերեզմանոցի չիրմաքարերից մեկի վրա կարդացվում է. ԱՅՍ է ՏԱՊԱՆ՝ ԶԷՎԵՑԻ ԵՍԱԻԱ| ԳՈՂԱԿԻՑ ՄԱՐԻԱՄԻՆ. ԹՎԻՆ ՌՄՂԶ (1827). որին առայժմ հայտնի միակ գրավոր խոսքն է վանքի տարածքում:

ՇՐՎԵՆԵՆՑ (Կապանի շրջան)

¹⁶ Դիվան..., պրակ II, էջ 63 - 65:

Գյուղի կից միանավ սրահների տապանադրերից.

ա) ԹՎ.ՌԿԱ (1612):

բ) ԱՅՍ է ՏԱՊԱՆՂԱԶԱՐ ՊՕՂՈՍԵԱՆԻ, ՈՐ ՎԱԽՃԱՆԵՑԱԻ 1911թ. 2-ին ՍԵՊՏԵՄԲԵՐԻ, 115 ԱՄԱՑ ՀԱՍԱԿՈՒՄ:

գ) ԱՍՏ ՀԱՆԳՉԻ ՈՒՍՏԱՅԽԱԶԱՏՈՒՐ ՏԷՐ ՎԱԴԱՆԵՄԱՆ ՎԱԽՃԱՆՈՒԵՐ 1901 ԱՄԻ 10 ՍԵՊՏԵՄԲԵՐԱ:

ՄԻՍԻԱՆ

Քաղաքի «Հացատան» բակի քարեդարանի պարույրադրեր, խողան եղջուրներով խոյատապանների վրա (բերված Շաղաթից).

ա) Ի ԹՎ.ՌՃԲ (1653) էՐ.ԵՍ՝ ՕՎԱՆԷՍՍ ԿԱԿԵՑՈՒՑԻ ԱՅՍ ՔԱՐՍ ԻՄ ՈՐԴԻ ԻՍԱՅԽԱՆԻՆ: Տողերը խառնիխուռն են, վերից-վար Հաջորդաբար կարդալու դեպքում կունենանք. Ի ԹՎ.ՌՃԲ էՐ|խանին|որդի Խայ|այս քարս իմ|ես Օվանէս|ս կակնեցու|ցի շարակցությունը:

բ) Ես՝ Մէլիքի որդի Աղէս գակնեցի| գղարանս եղբարն իմ Սարքիս|ին. ԹՎ. ՌՃԺ (1661): Անձնանունների գլխագրերն անգամ փոքրատառերով են:

Շինարարական աշխատանքների ընթացքում 1987թ. Շաքի գյուղի մոտ Հայտնաբերված (և Սիսիան տեղափոխված) բազալտե սարկոֆոգի կափարիչին Հնաոճ տառերով փորագրված է. Զ՝Տ՝ԱՌԱՊԵԱԼ ԳՐԻԳՈՐԻ ՅԱՐՔԱԻ:

Ասել է, թե դազաղը Գրիգոր արքային է: Կարելի է կռահել, որ դա 1166թ. տարօրինակ Հանգամանքներում մահացած Քաղաք թագավոր Գրիգորն է, որի գերեզմանատեղը Հայտնի չէ: Դազաղի վրա Հիշատակագիրը անիմաստ է, սակայն արքայաճյուղն ծածուկ Հողարկավորողները մտորել են, թե երբեք ի Հայտ կգան թագավորի մասունքները և Հավիտենական մոռացումից փրկելու Համար վավերագրել են նրա անունը:

ՏՈԼՈՐՍ

Տաթևգէսը սնուցող Տոլորսի ջրամբարի Հատակում մնացած եկեղեցիներն ու Հուշակոթողները, ցավոք, ժամանակին ըստ Հարկի չփաստագրվեցին, իսկ խաչքարերն ու այլ մանրամասներ տեղափոխվեցին Նոր Տոլորսի Հանգատարան: Իմ Հավաքածուն չի ամբողջացնում այստեղի XIV-XIX դդ. վիճադրերը, որոնց թիվն անցնում է երեք տասնյակից: Սակայն նպատակահարմար է գիտական աշխարհին մատուցել գոնե 10 պատառիկ, որոնք Հետաքրքիր են գյուղի պատմության նկատառումով:

Այժմ ջրի տակ թաղված, անկանոն բազալտով ու կրաշաղախով շարված, երկթեք լանջերի ներքո պարփակված եռանավ աղոթասրահի (20 X 10մ) Հարավային մուտքի կիսաշրջան ճակատաքարի շինարարական ութատող արձանագրությունը Հետևյալն է. ԿԱՌՈՒՑԱԻ ՄՈՒՐ ԲԵԿԵՂԵՑԻՍՍ՝ ՅԱՆՈՒՆ ՍՐՐԲՈՒ՝ ՀԻՈՅՆ ՀՌԻՓՍԻՍԼԷԻ ԱՐԴԵԱՄԲԸ ԾԱԽՈՒՔ ՏՕԼՈՐՍԵՑԻՍ՝ ՍԱՐԳԻՍ ՔԱՀԱՆԱՅԻՆ ԵՒ ԿՈՂԱԿՑԻՆՈՐԱ՝ ԹԱԶԱԿԻԼԻՆ, ԵՒ ՈՐԴԻՈՑ ԻԻՐՈՑ ԽԶԱՏՈՒՐ ՔԱՀԱՆԱՅԻՆ ԵՒ

ՏԻՐԱՅՈՒ ԳՐԻԳՈՐԻՆ| ԵՒ ԿԱՆԱ՝Ց՝ ՍԱՆԴԽՏՈՅ ԵՒ ՀՌԻՓՍԻՍԷԻ,| ՅԱՍԻ՝
Տ՛ԵԱՌ՝Ն 1861-ԻՆ:

Աբ. Հռիփսիմե եկեղեցու Հյուսիսային պատին ներքուստ ագուցված խաչքարի քիվին և խորանի տակ, 8 տող. ԵՍ՝ ՍԷԼԻՔՍԷԹ ԷՐԷՑ,|ԿԱՆԿԵՑԱԻ Ս՝ՈՒՐ՝ Բ ԽԱԶՍ| ՀԱԻՐ ԻՄՈՑ ՂՈՒՋԻՆ ԵՒ ՄԱԻՐ ԻՄՈՑ ՓԱՐԵՆԱՆԻՆ,| ՅԻՇԵՑԷՔ Ի Ք՝ՐԻՍՏՄՍ ԵՒ ԱՍՏՈՒԱԾ ԶԶԵ|Զ ՅԻՇԷ: ՓԱՇԱՀՈՒԹԱՆ, ՇԱՀ|ԱՊԱԶԻՆ ԷՐ, ԶԱՐԶԱՐԱՆՔ| ՇԱ՛Տ՝ ՔԱՇԵՑԻ... Խոսքը վերաբերում է շահ Աբասի փաշայության (թագավորության) ժամանակներին, որը 1604 - 1605թթ. քիչ չարիքներ չպատճառեց նաև Այուսիքին:

Նույն պատին, նախորդից աջ. ԹՎ.Ռ (1551):

Բեկոր՝ մկրտության ավագանի դեմ. ԵՍ՝ ՊԱՐԵՔՍ Կ՛ԱՆ՝ԿԱՆԵՑԻ՝| ԶԽԱԶՍ ՀԱԻՐ ԻՄՈ:

Բեկոր. ԱՅՍ է |ՏԱ|Պ|ԱՆ-ԻՆ. ննջեցյալի անունը չի լրացված: Հարավային պատի մեջ, քիվին. ՛ԵՄ՝ ԳԵՐԵԿՍ ԿԱՆԳԱՆԵ՝ՑԻ ԽԱԶՍ:

Խաչքարեր գերեզմանոցում.

ա) ԹՎ. ԶԾ (1501).|ԵՍ՝ ԹՈՐԱՅ|ՄԻՇՍ ԿԱԿԵՑ|Ի ԶԽԱԶՍ Ի| ՓՐԿՈՒ-ԹԻՆ,| ՀՈԳՈՅ Հ|ԱԻՐՆ ԻՄՈՑ ԹԱՓՉԻՆ: Թերևս արհեստը, զբաղմունքը (թափչի-գործվածք լվացող, մաքրող) դարձել է Հատուկ անուն:

բ) Ավելի քան երկու մետրանոց խաչքարի քիվին, խորանում, Հարավային կողին, փոքր ու մեծ խառնիխուռն տառերով, դժվարընթեռնելի. ԵՍ՝ ՄՊԻՐ՝Ա՝ՏՍ ԳԱՆԴԱՆԻ| ԿԱՆԿԵՑՈՒՑԻ ԽԱԶՍ ԻՇԱՏԱԿ,|ԱՂԱՅ|ԲԷԿ|ԻՆ, ՓԱՇԱՅԻՆ,| ԿՈՒԼԱՂԱ՝ՅԻՆ,|ԵՒ ԲԱՆՇԱ՝ՎԱՄՆ...|... ԵՑԱԻ ՀՈԳՈՅ| Ի...՛Մ ՄՊԻՐԱԹԻՆ:| ՄՊԻՐԱՏ | ՏՂԱ՝ ՓԱՇԻՆ| ԲԷ|ՄՍ|: ԹՎ՛ԻՆ ԶՂԸ (1549). | ՛ՅԻՍՈՒՄ Ք՝ՐԻՍՏՄՍ: Թիվը և աստվածանունը չըջանակի բոլորքում են: Զի Հասկացվում՝ պարզ գրված Դանուանին տոհմանուն է թե տեղանուն և կամ ո՛ւնի նվաստ, չնչին իմաստը: Ծղբրտումների Հարկ կա:

գ) ԿԱՄԱԻՆ Ա՛ՍՏՈՒԾՄ՝Յ ԵՍ՝ ՈՎԱՆ|ԷՍ Ք՛Ա՝Հ՛Ա՝Ն՛Ա՝|ԿԱԿԱՆԵՑԻ ԽԱԶՍ ՀԱԻՐՆ|ԻՄ ԱԿԱՍԱՐԻՆ (Աղասա՛ր) |ԿՈՂԱԿԻ|ՑԵ|ԱՆ|Ա:| ԹՎԿ. | ՌԻԹ (1580):

դ) Տապանաքարի ճակատին. ԱՅՍ է ՏԱՊԱՆ ԹՈՐՕՍԻ ՈՐԴԻԳԱԳ-ՐԻԵԼԻՆ: Թ.ՌՄՂ-ԻՆ (1841):| ՅԻՇ՛Ա՝Տ՛Ա՝Կ է:

ԱՐԵՎԻՍ

Գյուղի Հարավ-արևելյան բարձրագահ բլրի վրա, Հեթանոսական միջավայրում տոկացող Թանահատաց վանքի (IVդ.) արձանագրություններից չորսը գիտական աշխարհին Հայտնի են Ս.Բարխուդարյանի Հրատարակությամբ: Նույնքան էլ ներկայացվում են: Թաղակիր կամարաքարի վրա, ԳԻՐԳՈՐ ԻԿ, ԾԱՌ՝ԱՅ ԱՍՏՈՒԾՈՅ՝ Սա Թանատաց վանական Գրիգորիկ երեցն է, ըստ Հիշատակապահ խաչքարի տեղեկատվության, մահացած ՆԼԵ (986) թվին¹⁷: Թաղի մաքրատաշ քարի վրա. ԴԱԻԻԹ՝ ՆՎԱՍՏ Ծ|ԱՌԱ Ա՛ՍՏՈՒԾՄ՝Յ:

¹⁷ Նույն տեղում, էջ 96:

¹⁸ Դիվան, II, էջ 96, № 276: Այս և Հաջորդ քարերը ընկած են գետինին:

Հարավային պատին, մուտքից աջ, ստորին շարքի խաչանշանի վրա-
ԱՆԴՐԵԱՍ: Բեմի ճակատանիստում դրված պատվանդանի վրա. ՉԳԻԹ:
(1254թ.) ԵՄ ՍԱՀԱԿԱԴՈՒԽՏ, ՈՐ ԿԱՆԳՆԵՑԻ ՍՈՒՐԲԻ ԽԱՉՍ Ի
ԲԱՐԵՆԱԽՍ ԶՈՒԳԱԿՑԻ ԻՍՊԻՄ ԵՒ ԻՆՉ: ՅԻՇԵԱ, ՔՐԻՍՏՈՍ
ՍԱՅԱԿԻԿԻ ՔՈՒՎՄ ԳԱԼՉՍԵԱՆ, ԵՒ ՈՂՈՐՄԵԱ:

Սյունյաց աշխարհի IX-XVIII դդ. իրադարձությունների մասին քարա-
գիր վավերագրեր էլի կան՝ չհավաստված մատենագրական աղբյուրներում,
անհաղորդ՝ բանասերներին: Հարկ է փութալ ժողովել-վավերագրելու դրանք:

НОВОВЫЯВЛЕННЫЕ ЛАПИДАРНЫЕ НАДПИСИ

С.Т.САГУМЯН

Р е з ю м е

До сего дня выявлено более чем 10000 лapidарных
надписей исторической Армении, однако расшифровка и издание
более 30000 надписей остаются актуальной задачей для
арменоведения. Выявленные нами 55 неопубликованных надписей
из Сюникской области представляют собой знаменитый интерес
для изучения истории этой области.